



REPUBLIKA E SHQIPËRISË
KOMISIONI I PROKURIMIT PUBLIK

Nr. 2773/ 2 prot

Datë 10.11.2023

**FORMULAR PËR PUBLIKIM
LIDHUR ME ARSYET E SKUALIFIKIMIT TË OPERATORIT EKONOMIK
ANKIMUES DHE PRETENDIMET MBI KUALIFIKIMIN E OFERTUESVE TË
TJERË**

- Objekt:** Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “Armand Sinani” PF në procedurën e prokurimit “*Procedurë e Hapur*”, Mallra me Nr. REF-77994-08-21-2023, me objekt: “Këpucë me qafa “ për nevojat e shoqërisë "ILLYRIAN GUARD" Sh.A, me fond limit 18,810,000 lekë pa TVSH, zhvilluar me datë 19.10.2023 nga autoriteti kontraktor, "ILLYRIAN GUARD" Sh.A.
- Shfuqizimi i vendimit të Komisionit të Vlerësimit të Ofertave për kualifikimin e ofertës të paraqitur nga operatori ekonomik “Vojsava Zenelaj” PF, në procedurën e mësipërme të prokurimit.
- Ankimues:** Operatori ekonomik “Armand Sinani” PF, me Nipt. L22301008D Adresa: Rr. “Jordan Misja”, Kompleksi Gener 2, Kati -1, Parkimi Nr.2, Tiranë .
- Autoriteti Kontraktor:** "ILLYRIAN GUARD" Sh.A.
Adresa: Rruga Ibrahim Rugova, 1016, Tiranë.
- Subjekt i interesuar:** Operatori ekonomik “Vojsava Zenelaj” PF. Me Nipt. L12330004A dhe Adresa: Bulevardi Gjergj Fishta, Kulla Nr.2, kati i dyte, Tiranë.

Pranë Komisionit të Prokurimit Publik, është administruar ankesa e operatorit ekonomik “Armand Sinani” PF me Nr. 2773 prot, datë 09.11.2023 për procedurën e prokurimit “*Procedurë e Hapur*”, Mallra me Nr. REF-77994-08-21-2023, me objekt: “Këpuce me qafa” për nevojat e shoqërisë "ILLYRIAN GUARD" Sh.A, me fond limit 18,810,000 lekë pa TVSH, zhvilluar me datë 19.10.2023 nga autoriteti kontraktor, "ILLYRIAN GUARD" Sh.A.

Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi skualifikimin e ofertës të paraqitur nga operatori ekonomik ankimes “Armand Sinani” PF, si dhe me vendimmarrjen e Komisionit të Vlerësimit të Ofertave mbi kualifikimin e ofertës të paraqitur nga operatori ekonomik “Vojsava Zenelaj” PF.

Bazuar në nenin 112 pika 4 gërmat “b” dhe “c” të ligjit nr. 162/2020 “Për prokurimin publik”, ku parashikohet se: “Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon: a) ankesën e plotë në rastin e ankesave për dokumentet e tenderit; b) arsyet e skualifikimit në rastin e ankesave për vendimin e vlerësimit/klasifikimit përfundimtar; c) pretendimet mbi kualifikimin/skualifikimin e ofertuesve të tjerë duke referuar vetëm kriteret për të cilat ngrihen pretendime.”

1-Komisioni i Prokurimit Publik do të publikojë arsyet e skualifikimit që operatori ekonomik ankimes “Armand Sinani” PF kundërshton me anë të ankesës.

Arsyet e skualifikimit:

OE Armand Sinani (person fizik) ka paraqitur një palë këpucë si mostër, si dhe fletët e analizave me mostrat fizike përkatëse.

Në dokumentin e "ILLYRIAN GUARD", me nr.1028/4, dt. 16.06.2023, "Procesverbal – Tipi i kontratës – Mall", te ngarkuar ne sistem me emertimin “argumentimi i Specifikimeve Teknike (kepucë me qafa)” per nevojat e shoqërisë ILLYRIAN GUARD Sh.A, është specifikuar se: "...komisioni vendosi që këpuca me qafa të jetë me paraqitje të njëjtë me këpucën aktuale të përdorur të shoqërisë me qëllim që furnizimi me këpucë të ruajë uniformitetin brenda shoqërisë".

Sipas modelit të zgjedhur për këtë qëllim janë përpiluar Specifikimet Teknike.

OE i lartëpërmendur nuk ka respektuar kërkesën për prodhimin e modelit të kërkuar, ku KVO vëren se OE ka bërë këto devijime nga forma dhe paraqitja e këpucës:

1. Këpucët janë qepur me fill në ngjyrë të kuqe, ndërkohë që kërkesa e klientit është që këpuca duhet të jetë me ngjyrë të zezë. Kjo gjë nuk përputhet me modelin e paraqitur në foto dhe shprehur me fjalë në kërkesat e specifikimeve teknike ku shprehet se ngjyra e këpucës të jetë e zezë.

2. Mbërthimi dhe lirimi i këpucës është realizuar me zinxhirë në pjesën e përparme të këpucës, ndërkohë që në kërkesat e specifikimeve teknike është kërkuar të jetë me lidhëse. Kjo gjë jo vetëm është në kundërshtim me kërkesat e specifikimeve teknike të kërkuara, por ky fakt sjell një devijim të uniformës, pasi do të kishim dy lloje modelesh në përdorim deri në kalimin e gjithë personelit në këpucën e re, për shkak edhe të afatit të përdorimit të tyre, i cili është i ndryshëm dhe i lidhur me afatin e vënies në përdorim të këpucëve ekzistuese nga përdoruesit. Kërkesa e specifikimeve teknike citon në pikën 3 të saj se: “këpuca duhet të ketë 16 unaza bronxi në ngjyrën e këpucës dhe lidhese të zezë rreth 125 cm”, dhe specifikon mbërthimin e këpucës me lidhëse.

3. Në specifikimet teknike është kërkuar që këpuca të ketë 16 unaza bronzi në të dy anët e saj për të siguruar lidhjen e saj ndërkohë që këpuca mostër e paraqitur ka gjithsej 36 unaza bronzi të vendosura në 4 rrjeshta në vrimat e hapura për lidhje.

4. Në pjesën e pasme këpuca mostër ka 6 tegele zbukurimi me penj të kuq, ndërkohë që në specifikimet teknike nuk ka asnjë tegel zbukurues përveç tegelit të qepjes së thembrës, duke u shmangur krejtësisht nga modeli i paraqitur në specifikime.

5. Këpuca nga provat praktike të kryera me disa përdorues rezulton të jetë shumë statike dhe jo e përshtatshme për lëvizje të lirshme dhe të shpejta, këto në funksion të situatave operacionale që shoqëria jonë duhet të kryejë, si dhe mbajtjen për një kohë të gjatë të tyre në shërbim.

6. Në përfundim shprehemi se ky product nuk përmbush specifikimet teknike të kërkuara dhe nuk është i përshtatshëm për Shoqërinë "Illyrian Guard" Sh.A.

2-Gjithashtu, Komisioni i Prokurimit Publik publikon kriteret për të cilat operatori ekonomik ankimues "Armand Sinani" SHPK pretendon se nuk përmbushen nga operatori ekonomik pjesmarrës në procedurën e prokurimit "Vojsava Zenelaj" PF.

Shtojca 7, Kriteret e Veçanta të kualifikimit, 2.3. Kapaciteti Teknik. Pika 6

6. OE ofertues duhet gjithashtu të paraqesin nga 1 (një) model (mostër) të prodhuar për këtë procedurë prokurimi sipas kërkesave të Specifikimeve teknike të kërkuara, për secilin nga artikujt objekt prokurimi pranë Autoritetit Kontraktor me adresë: Rr.Ibrahim Rugova, Ish Garda e Republikës", Tiranë, në datën dhe orën e hapjes së ofertave.

Mostrat e kërkuara më sipër, duhet të kenë një etiketë të qepur, e cila të përmbajë: mostër "emri i artikullit", datën e zhvillimit të tenderit, emrin e prodhuesit/ ofertuesit.

- a) Mostrat fizike si këpucet të ndërtuar me lëndë të parë lëkure të jenë shoqëruar nga një pjesë 0,3X0,3cm lëkure në përputhje me specifikimet teknike të materialeve përbërëse të produktit dhe të shoqëruara me raporte testimi (Flete analizë) origjinale të lëshuar nga laboratorët të akredituar sipas standarteve kombëtare/ ndërkombëtare në fuqi që kanë kryer analizën për karakteristikat (treguesit) fiziko- mekanike- kimike të tyre.

Mosparaqitja e mostrave sipas kërkesave të mësipërme përbën kusht s'kualifikimi për vazhdimin e procedurave.

Publikuar në regjistrin e ankesave më datë 10.11.2023

KOMISIONI I PROKURIMIT PUBLIK

**Nënkryetar
Fiorent Zguro**